

四庫全書

史部

欽定四庫全書

硃批諭旨卷一百二十六之二十一

硃批田文鏡奏摺

雍正八年五月二十三日河東總督臣田文鏡謹
奏爲欽奉

聖訓據實覆奏事雍正八年五月二十二日據臣齋摺
家人回豫捧到

皇上硃批

諭旨於臣請以兗州府知府王鴻勳補用兗寧道缺摺
內欽奉

硃批兗寧道一缺從前嵇曾筠曾薦托克托海以為人
地相宜今覽卿奏但云以王鴻勳補授之處與嵇曾
筠面商意見相同而並未言及托克托海朕觀二人
似屬皆可卿等就中酌一允協者具題請旨但期要
缺得人何論陞遷之遲速則例之合否耶日前保題
之諭原料卿等自必仍保托克托海非謂托克托海

不可用而命另揀別員也恐錯會朕意故諭及之欽
此臣查山東兗寧道缺與河南管河道缺先後俱
奉

諭旨命臣會同河臣嵇曾筠揀選題補臣因兗寧一道
不但管轄黃運堤工并有分巡地方之責必須諳
悉河防而又曉暢吏治者乃克勝任兗州府知府
王鴻勳久於河工曾任鄭州濱河要地歷陞知府
才識幹練其於山東兗寧道缺可稱駕輕就熟至

河南管河道缺專理河務無地方之責托克托海
在豫日久熟練河工辦事勤敏其於河南管河道
缺亦為駕輕就熟臣與嵇曾筠數次面議相同是
以擬將王鴻勳請補充寧道托克托海請補管河
道其嵇曾筠摺薦托克托海可為充寧道之處竝
未向臣言及所以臣

奏請王鴻勳補用充寧道摺內未將托克托海敘入
聲明今蒙

聖諭命臣二人酌一相宜者具題請

旨但托克托海臣等已經會同具

題請補河南管河道缺在案其兗寧道缺王鴻勳洵
為人地相宜謹將原委備細

奏明可否將托克托海補授河南管河道將王鴻勳
補授山東兗寧道伏候

聖裁除遵

旨具

題外為此繕摺請

旨謹

奏

如此可謂人缺各得其宜矣

同日又

奏為

聖恩之垂念彌深臣心之感激難已欽奉

聖訓謹再據實覆奏事竊臣前奏恭請

皇上聖安摺內欽奉

硃批朕安知卿精神體氣健旺如初甚為欣慰但已年
近古稀切勿逞力自矜於一切處慎重愛惜為宜莫
辜負諄諄訓諭之意可也欽此臣伏讀

聖諭恭聞

聖躬乾健

景福日隆犬馬下懷欣忭無既至臣過蒙

眷顧

天語春溫仰承

訓旨感激涕零竊臣以去冬不自慎重感冒風寒上厯宸念

君父篤愛之懷有加無已臣每切不安撫心自疚是以恪遵

聖訓加謹調護春後漸次痊愈而精神體氣均得復初茲復蒙我

皇上鴻慈垂注

訓諭叮嚀雖慈親之於愛子無以喻其懇摯臣何人斯
仰邀

顧復至於此極在臣有生之年恙為報

恩之日敢不欽凜

聖諭一切惜養庶藉衰鈍之軀少效駑駘之力但臣左
腮頰上素有舊疾近今三四年來每春輒患腫痛
即從腮內出膿數日旋愈率以為常今春亦復腫
發却於頰外出膿其出膿之所尚有小孔未經收

口忌風射入臣倍加謹慎前因疾同疥癬未敢瑣瑣奏

聞惟是

天恩深渥淪浹肌髓臣現延有外科加意療治今已將次平復至臣之身體較之昔年稍弱實已別無他恙相應據實具奏仰慰

聖念伏乞

睿鑒為此繕摺恭謝

天恩謹

奏

卿體無恙朕懷深慰惟宜加意調攝凡為封疆大吏者
當思此身上為國家宣力下為蒸黎造福愛惜保護凡
百酌量精神而動不至勞乏致疾方謂能遵朕訓汝其
謹誌毋違

雍正八年六月初八日河東總督臣田文鏡謹

奏為恭報豫省雨澤日期仰祈

睿鑒事竊查豫省五月十四十五十六十七等日節次得雨分寸透足情形經臣恭摺奏

聞茲查開封府屬地方於六月初二日未時至申時得雨四寸初三日未時又得雨四寸而各屬州縣亦於六月初二三四等日各得雨三四五寸不等四處調勻沾被所有高糧穀黍棉花芝麻雜豆等項均各滋盛非常民間欣望有秋謹將得雨日期分寸恭摺奏

聞仰慰

聖懷再山東各屬州縣有報於五月十四十五等日得
雨四五六七寸者有報於五月十六十七十八等
日得雨七八九寸以至四野透足不等者合併

奏明伏乞

睿鑒謹

奏

節序已屆季夏正當大雨時行之際惟恐過多耳何須

奏報沾足

同日又

奏為欽奉

上諭事竊臣接准部咨奉

上諭福建巡撫員缺著河南布政使趙國麟補授河南
布政使員缺著河南按察使陳世倬署理河南按察
使印務著田文鏡委員署理欽此臣隨轉飭欽遵茲
查趙國麟於本年五月十七日卸事其布政使印

務陳世倬當即接受署理訖該員補授按察甫經
一載今復仰荷

天恩簡署藩篆陳世倬感激

聖慈彌矢圖報臣益策勵有加務令殫誠盡職上副

隆眷至所遺按察使印務臣查豫省所屬道員內如河

北道朱藻目下伏秋屆汛一切河工堤岸正資督

率稽察未可刻離南汝道董自超所轄地方界連

江楚近因汝寧守費謙流丁憂離任現又委其兼

攝府事彈壓緊要亦不便調赴會城惟查開歸道
張建德監兌漕運為期尚早該道又駐劄在省隨
就近委令兼署所有河南按察使印務臣謹遵

旨委員署理緣由理合恭摺

奏明再趙國麟忠厚謙謹臣甚愛之敬之惟辦事尚
欠閱歷不能裁決患常臣見其虛心善受隨事詳
明指導期與精進今蒙

恩簡任巡撫臣念福建為濱海要地習俗刁悍兵民狡

點綏輯為難臣昔佐縣閩中最所深悉趙國麟雖
自閩藩調任風土情形諒亦畧諳惟巡撫職任封
疆振綱挈領肅清吏治贊畫軍戎更非藩司可比
趙國麟誠樸和平安靜有餘而風力經濟尚覺未
逮是以臨行之際臣諄諄勉以嚴明自持整飭為
務甄察屬員懲戢姦暴寬嚴互濟冀得上副

聖明委任之重臣緣受

恩深厚圖報時殷不但本省屬吏訓勵最切每遇各員

遷陞別省臣於其地方事宜苟有所知必為備述
原委確指利弊總期吏治民生均有裨益以無負
聖恩茲趙國麟已於六月初二日自豫起程赴濟寧州
候

旨臣謹一併

奏明伏乞

睿鑒謹

奏

覽奏知道了命趙國麟莅任閩撫實係不得已之舉朕求賢若渴苦衷向誰告耶

通政使革職從寬留任臣留保謹

奏臣閱邸抄見因四川道員職守不專

皇上特頒諭旨令嗣後將所轄州縣命盜錢糧各案俱由道員申轉以專職守臣查山東有濟東道轄濟東二府直隸泰濱武高濮五州登萊青道轄登萊青三府直隸莒州一州兗寧道轄兗州

一府直隸東平曹沂三州凡所轄州縣之命盜
錢糧各案俱直達兩司竝不由道審理申轉亦
與四川無異再聞各省中道員亦多有不由其
審理申轉事同一例應請

敕下各省督撫畫一遵行以專職守伏祈

皇上聖鑒臣謹奏

聞

留保條奏之摺發來卿看其是否之處酌議奏聞

同日又

奏為覆奏事雍正八年五月十五日據臣齎摺家人

回豫恭捧

皇上發下通政使臣留保條奏一摺奉有

硃批臣欽遵查得守巡各道職任監司所屬州縣刑名
錢穀案件若止詳藩臬而不申報道員則道員於
地方事宜無案可據雖有統屬之名竝無稽督之
實殊非設官本意伏讀

上諭令四川各州縣案件俱由各道申轉所以飭吏治而重職守者

聖明固已無微不照也向來東省州縣命盜錢糧等案除分報撫臣及臣衙門并布按二司外仍申報該管道員至事關糧務鹽務驛站河工之叅案則各由專管道員會同藩臬司審轉是東省州縣各案原係申報道員隨事可以查察非如川省州縣全不由道申轉毫無關涉者可比惟是各省命盜等

案州縣止申報道員而不解道審轉者誠以藩臬
兩司為通省錢穀刑名總匯故定例錢穀由藩司
審轉刑名由臬司審轉而各道分守分巡但令稽
察督催而不與以審轉之權其經畫定制之初良
有以也在藩臬雖云總匯然錢穀刑名各專其責
今若以州縣錢穀刑名案件俱令各道審轉縱所
轄非係通省而本任專管之外加以錢穀刑名任
兼藩臬之事即有肆應之才恐亦日不暇給况承

審案件多一衙門則多需時日多一審轉又多增
案牘上下申移頭緒愈繁且人犯多拖累之苦解
役多守候之艱而各道盤查巡歷或差委公出亦
不能常在署中解到人犯未能即審押禁等待益
慮疎虞滋弊道員向無承審之責招案多未練達
姦胥或因之而舞弊刁犯或藉此而狡展輾轉稽
延非徒無益伏思命盜錢糧歷經州縣府司逐層
研審方解督撫再加親鞫成獄可謂詳且慎矣似

不必復令道員審轉多經一手故各省州縣命盜錢糧率不由道審轉此亦勢使然也臣試論東省道員內如濟東一道通省驛站馬匹錢糧是其綜核登萊青道整飭海疆全資巡歷充寧道管轄黃運河工千有餘里疏築修防事尤繁劇即豫省道員內如管河道任重宣防開歸道辦理漕務兼管通省驛鹽河北南汝兩道或兼吏治河防或任分巡彈壓其於所屬命盜錢糧東豫兩省道員竝難

責其審轉再臣恭繹

上諭四川州縣案件俱令由道申轉竝未有令道審轉之

諭旨而東省各屬案件現皆申報道員豫省亦是職守竝無不專所有留保請將州縣命盜錢糧由道審轉之處似無庸置議臣謹據實覆

奏是否有當伏乞

皇上睿鑒謹

奏

分割甚屬明悉可即繕疏具題俾直省各督撫咸知卿有此議也

同日又

奏為郡守才不勝任據實

奏明仰請

睿鑒事竊查東省萊州府知府王榮賜前任河南新鄉縣令臣因該員為人誠實辦事勤慎經臣

題補陝州知州送部引

見奉

旨俞允該員於雍正七年正月內到任陝州即於本年
五月內奉

旨補授萊州府知府臣於其赴任時又面加訓勵王榮
賜感激

聖恩亦自言力圖報效及其到任以後臣察知辦理郡
務竭蹶不遑臣因其初為知府民情庶政或未熟

悉復隨事訓飭不憚諄諭切指該員雖深自奮勉
向上無如限於才智迄今一載未見整飭之效甚
覺勉強臣恐所聞未確又復致詢撫臣岳濬亦言
該守人雖樸實稽其政務接其言論誠難勝任等
語臣思萊郡海疆臣等既察知王榮賜難勝斯任
何敢因循貽誤但王榮賜居官尚屬謹飭可否遵
照甄別知府之

上諭請將王榮賜以在京部屬改補所遺萊州府員缺

仰懇

聖慈另簡能員補授庶邊海要郡整飭得人倘蒙

恩允臣與撫臣岳濬再當合詞具

題至東省登青二府亦屬濱海地方其署登州府知

府姚庭槐經臣由膠州牧

題請署理登郡試看勝任再請實授茲查該員到任

未久雖無循卓出人之政亦無曠廢職守之愆尚

須再為試看青州府知府廣壽經臣由汝陽令欽

遵

諭旨於豫東兩省人員內不拘資格

題補青守到任以來雖辦事盡心才稱其缺但氣質
稍粗舉動未能悉協亦須化誨涵養此二員者容
臣與撫臣岳濬不時察查覘其後效另行據實奏

聞合併

奏明伏乞

睿鑒謹

奏

所奏皆是此萊郡一缺卿意中有勝任之人否

雍正八年六月二十二日河東總督臣田文鏡謹
奏為奏明事竊惟學政一官宣揚風化振拔人才職
守最為清要必得矢公矢慎衡校嚴明俾鑽營倖
進之徒無以施技逞姦則內外肅清諸弊可杜茲
查河南學臣吳應綦今已歷試彰衛懷開四府臣
見其衡文課士一秉至公實心殫力於廩結則挨

保之外增用認保互相覺察於考校則飭拏鎗手
密加巡緝以防傳遞於文童則屢加覆試詳審筆
跡於武場則合觀技藝細加甄取凡其錄進擯斥
悉皆精當不爽尤能督率提調送考等官謹凜襄
事綜理周密無可窺伺夤緣是以士論輿情翕然
稱頌至其體度峻整裁事和平更為寬嚴悉協臣
與學臣同事地方資其整齊化導共勸

聖治臣既察知吳應棻政績卓著理合據實奏

聞再查東省學臣蔣蔚勤慎明白其劣生積欠錢糧竝
自來多事者訪實即行黜革考察教官尤無姑容
一切學政士習均能循分整飭相應一併

奏明伏乞

睿鑒謹

奏

覽奏俱悉但吳應棻平素非如此人也品行多屬不妥
似流入鑽營奔競之習近年以來始覺奮志改勉朕向

知其底裏今心行果否如一久暫有無異同卿再留意
驗視具奏以聞

同日又

奏為奏明程家寨工程危險并搶護平穩緣由仰祈
睿鑒事竊查祥符縣南岸程家寨月堤地勢窪下大河
水趨南岸原屬險要經前河臣嵇曾筠

題估邁埽加鑲在案時屆伏汛又值大雨時行該工
於六月十四日驟長水三尺八寸全河大溜盡注

該工埽外水深三丈一二尺不等堤埽墊陷臣飛飭署開封府知府劉永錫上南河同知陳儀下埽搶救竝調河營備弁及別汛兵夫埽手齊集保護并差臣標把總及在省試用效力人員咸赴工所以備委用緣十五六七等日河水日長共計五尺五寸勢湧溜急新舊埽箇漸次漂走堤外水深四五丈不等巨浪洪濤奔騰衝激難以下埽惟有急加裹餞以為後衛隨於十七日面委署布政使陳

世倭多帶錢文赴工分發買土適河北道朱藻至
省臣因其平日熟練工程辦事竭力隨又面授機
宜委令協辦朱藻到工即將員弁分派執事不辭
勞怨晝夜嚴督夫役儻築防護臣於二十日親赴
該工查看督率自十八日起至二十日辰刻水已
消落三尺查險工八十餘丈之內舊堤全刷者止
十餘丈汕去十分之六者六十餘丈其新築裏戩
現今寬有六七丈不等高與舊堤相等人夫共有

七千餘名晝夜趕築加幫高厚而堤外之水止深
一丈六七尺護崖埽箇俱已下齊現在疾僂簽加
大椿粗纜工程可保平穩其善後事宜臣細加斟
酌并搶修工料另疏具

題外所有程家寨工程危險及搶護平穩情形理合
恭摺奏

聞此外黃運兩河工程伏汎將過均屬平穩合併
奏明恭慰

聖懷臣因該工水勢平緩裏戩外埽均已指示趕辦復
嚴諭在工大小員弁分督兵夫星夜儻修完固臣
即於二十一日回署辦事再管河道員缺前奉
諭旨令臣與前河臣嵇曾筠揀選

題補臣等因上南河同知托克托海在工年久熟悉
河務而又時屆伏汛不便乏員隨一面委護道篆
一面

題請實授臣以托克托海必當殫心竭力奮往向前

豈期於此等要工不思急為搶護反因朱藻到工
心懷嫉妬退縮不前查托克托海自十六日到工
之後曾具一票到臣第言水勢汹涌竝不言及在
彼如何搶護如何督率臣已疑其不悉心經理隨
委署按察司鹽驛道張建德赴工查看托克托海
竟隨協理河臣范時繹安坐一旁張建德差人邀
伊看工不至隨又詣其坐處云工程何等危險如
何在此閒坐托克托海答云我在此看守裹頭埽

又云沒見朱藻分派單子張建德隨將分派單子
交給托克托海插入靴內仍然端坐不動張建德
見其玩工形狀因云護道在此陪坐我看工去了
范時繹隨云我們也同去看看未幾托克托海又
回原處安坐總之督率稽察搶理之事托克托海
絕不在意至在工夫役托克托海亦不約束查察
其有乘晚逸去者竟置不問經朱藻將一夫頭責
懲夫役始凜然不敢偷閒臣查該工危險異常職

事員弁人役猶知凜惕上緊而托克托海獨不以險工為念一味妬才嫉能挾私廢公若不嚴行叅究則在工人員無所懲勸臣是以繕疏

題叅不敢自避保題失當之咎而稍為劣員回護也至協理河臣范時繹奉

旨令其防汎稽察臣於初見之時聽其言論似屬明白私心竊喜謂可助臣不逮今值此險工未見有督率之方稽察之明如玩工之托克托海連日侍坐

其旁而不知督責其才識已大槩可見矣臣蒙

皇上恩遇至深委任至重臣不敢不據實一併奏

聞統祈

睿鑒為此謹

奏

據實糾叅一無回護朕深為嘉與托克托海如此玩誤
工程實屬大奇所以云小人之心不可以常情測度也
題本到日另有諭旨

同日又

奏為奏明事竊臣所住衙署最後一院有樓房七間
東西廂樓各三間臣因此樓間曠無人居住遂於
樓後供設家堂香火早晚掃除之外即將院門扃
鑰茲於六月十七日早家人換點香燭將所用火
煤紙不知誤遺何處未及查看鎖門而出及至飯
後忽見樓房煙起啓門入視火已燃上頂榻窻櫺
其梁柱年久枯燥見火即燃頃刻之間樓頂塌下

遂將火勢壓住惟東廂樓為火燄所射亦即塌下
所幸是時無風兵役各攜救火器具協同家人登
時撲滅附近之西廂樓并兩耳房俱未延燒至臣
所住正房及堆貯文卷處所相距更遠竝無燬失
此雖臣之家人不戒實臣供職多愆以致火災示
警然樓房高敞當火起之初樓頂立即塌下不致
火燄遠及頃臾即熄則又仰賴我

皇上福庇所賜臣惟有省躬思過益加凜惕夙夜不懈

而已所有臣署失火情由理合據實奏

聞因所燒係數間空房竝無燬失文卷未敢具本題報

合併

奏明謹

奏

此等事何必具本題報據云火災示警等語朕意默默
中事最難知從來聖賢之所不能免者或化大為小亦
未可定惟於方寸間切毋存怨天尤人之念

雍正八年七月初八日河東總督臣田文鏡謹

奏為河工需員甚殷仰請

聖恩簡發以備差委事竊照黃運兩河工程均關緊要

時厯

睿念指示修防臣蒙

皇上殊恩

特命掌管北河印務夙夜兢兢惟有恪遵

聖訓倍加謹慎期於河流安瀾堤岸鞏固上慰

聖懷第河道綿長事務紛繁如修守防險稽察趨督在
在需員而管河同知通判及沿河州縣又例應

題補非諳練河工不足以供任使非在工學習不能
驟至諳練今查前河臣嵇曾筠移送效力人員冊
開已經取結咨部者除陸續

題補竝現在委署及告假緣事回籍外僅有二員在
工其餘未經咨部取結共計四十餘員現在查取
家道殷實印結其是否俱係殷實尚難懸定況皆

係州同州判縣丞主簿雜職及生監微末人員多
係到工未久於修防事宜全然未悉止可在工學
習奔走且為數無多若不敷用臣思河防重務必
須多得人員預為學習庶臨時差委不致乏人遇
缺亦可量才委署

題補臣謹仰懇

聖慈敕部在於候選候補同知通判知州知縣內

簡發十員赴北河效力雖此等人員平日未歷河干河

務非其通曉但得明白勤幹之人在工學習自可
望其進益以備差委再效力人員例應取本籍家
道殷實印結如蒙

俞允

簡發人員到工臣即遵例查取印結咨部留工效力合
併聲明伏乞

睿鑒謹

奏

河工效力人員候朕酌定有旨諭部

同日又

奏為恭請

簡發人員以資吏治事竊照吏治在乎得人而用人必因其材臣查豫省數年以來屢蒙

皇上簡發各項人員

命臣酌量委署試用使地方所出員缺即可因地量材斟酌委署實於地方吏治均有裨益今查試用人

員或經臣

題署或現在委試所餘不過數員而其才情識見僅
在中平止宜於簡小地方若緊要繁劇州縣缺出
即乏人署理是以臣每遇一要缺即審酌再四難
得其人至於同知通判常多差遣公出又有陞遷
事故其所管水利糧務督捕等事亦需人署理若
令知府首縣護理未免不能兼顧臣謹仰懇

聖慈於在京候補候選同知通判知州知縣內

簡發二十員到豫俾臣得就中酌選量才委署不致臨期乏人可收臂指之用如內有才猷敏練識見老成試有成效者臣又可於應題要缺酌量

題補臣仰體

皇上慎重地方造就人材至意謹繕摺

奏請伏乞

睿鑒謹

奏

亦候酌定有旨

同日又

奏為程家寨工程穩固再行

奏明仰慰

聖懷事竊照祥符縣南岸程家寨前因汎水驟長大溜
直射漂汕堤埽隨經臣將工程危險及搶護情形
恭摺奏

聞今查該工自六月十八日起水勢漸次消落又對岸

切去灘嘴四百餘丈溜歸中泓隨督率人夫晝夜
僱築裏餞今已一律完固堤外又下護崖埽及沉
水大埽密簽長椿倍加粗纜僱做堅實今險下移
復於下首加裏餞鑲防風以資捍禦而該工西首
又得迴溜之勢水緩沙停逐漸淤成嫩灘全將埽
壩包裹查七月初六日探量得頭壩水深僅四寸
六寸不等中壩水深五寸下壩水深七寸伏查該
工前此北高南低勢如建瓴埽外水深四五丈不

等洪濤衝激危險無比今竟大溜北趨埽外淤出
嫩灘再遲數日即可淤平似此危險呼吸之勢轉
為至平極穩之工皆由我

皇上至誠感格

天

祖

河神默佑因而化險為平如此神速然臣不敢以工
程已幸平穩稍為懈怠惟嚴督在工人員更加謹

慎將南北兩岸堤埽各工先事綢繆務期鞏固再
山東運河自六月十五日起至二十六七風雨交
作宣洩不及濟寧嘉祥鉅野魚臺汶上等處湖河
亦有漫溢今幸天氣晴霽水漸消落臣已飛飭道
廳等官上緊修堵并將緯道墊妥務使回空糧艘
通行無礙其一切應修工程及動用存庫盈餘夫
錢之處容臣確核另

奏合併聲明伏乞

睿鑒謹

奏

當茲雨水過盛之際概宜加詳加慎為之

雍正八年七月十五日河東總督臣田文鏡謹

奏為彙奏東省被水州縣并陳賑恤事宜仰祈

睿鑒事竊照兗州府屬之滋陽濟寧曲阜魚臺金鄉汶
上曹州屬之嘉祥鉅野等八州縣於六月二十四
五六七等日連得大雨又汶泗二河水勢漲溢民

間房屋以及窪地田禾不免被淹坍損俱經臣據
報飭司委查隨恭摺奏

聞今續據濟南府屬之歷城長山章丘淄川齊東新城
兗州府屬之泗水嶧縣寧陽東昌府屬之聊城堂
邑朝城范縣莘縣冠縣青州府屬之樂安臨淄直
隸沂州東平州并州屬之東阿直隸泰安州并州
屬之新泰萊蕪直隸莒州屬之蒙陰東平所等二
十四州縣一所各報稱本年六月二十一至二十

六七等日風雨交作山水陡發河水驟長平地水深數尺傍山臨河處所并窪下地方房屋多有倒塌田禾不免被淹除飛飭山東布政司委員確勘其被水情形聽撫臣岳濬

題報外臣查東省濟寧等州縣連朝大雨雖日期間有先後參差總在此旬日之內以致山水河水竝發一時容洩不及是以山隈水涯及低窪地方水勢漫溢田禾難免被淹而民間又多係草房土牆

本不堅固所以易被坍塌損然此雨水過多皆臣奉
職多愆

上天示儆臣據報之下不勝悚惶惕懼伏思

皇上愛養黎元無所不至雍正三年山東雨水偶多上
厘

聖念特頒

諭旨詳察生計蕭條升斗無資以及田地被淹不得收
穫房廬倒塌不安厥居者一面賑恤等因欽遵在案

其時被水窮民咸沐

皇恩不致一夫失所今濟寧等州縣被水村莊不無資
生無策之窮民可否將生計蕭條升斗無資以及
田地被淹不得收穫房屋倒塌不安厥居者動用
存倉穀石賑濟大口每月給穀三斗小口每月給
穀一斗五升各給兩箇月口糧貧民可不致有乏
食之虞再其中或有極貧之人雖給以倉穀餬口
有資而無力修理房屋棲身無所可否於藩庫克

公銀內每戶酌給銀一兩五錢以為修理房屋之費則被水窮民咸得安居粒食共戴浩蕩之

皇仁於無既矣如蒙

皇上俞允臣即檄飭藩司并令該管道府督同地方官實心詳察給散務期

皇恩下究民沾實惠此臣愚昧之見應否如此辦理伏候

聖裁再運河水勢臣委官查勘現今已經消落臣嚴飭

道廳汛員修補縹道不悞糧艘回空黃河兩岸工程甚屬平穩豫省秋禾高粱早穀早黍現在刈穫
恐厪

聖懷合併奏

聞謹

奏

所奏是即照議作速辦理仍另有諭旨今歲直隸各省被水處甚多非止山左此數州縣皆緣朕躬偶失調攝

不能克盡孜孜勤敬之道而又悲痛吾弟怡親王溘逝
未免有傷

天和之所致實朕之咎非卿等之過也至若卿等於臨民
莅政之際有無寬猛失宜緩急不當亦自應悉心體究
我君臣期共修省以感格

天心而已

雍正八年七月二十五日河東總督臣田文鏡謹

奏為敬推

皇仁奏請

睿鑒事雍正八年七月二十二日臣接准戶部咨文因江南河臣嵇曾筠奏報黃運兩河水勢情形欽奉上諭將邳州宿遷桃源等處

恩賜賑濟又因山東發水之處民間田舍亦被損傷特命撫臣岳濬遴選賢能官員查勘動支庫銀速行賑濟并應行蠲免錢糧之處確查奏

聞等因臣查東省州縣夏秋之間連降大雨山水河水

一時竝發容洩不及至有漫溢臣陸續據報隨經
兩次恭摺具

奏乃臣

奏摺未到之前已蒙

聖明遠照

綸綍飛頒臣跪讀之下既慶萬姓沾沐

皇恩之大又愧微臣聞知

奏報之遲隨即移咨山東撫臣岳濬并飛行山東布

政使孫國璽欽遵速行在案今查山東被水州縣
除臣前此

奏明外又續據濟南府屬之齊河濟陽青城肥城鄒
平兗州府屬之鄆城城武鄒縣濟寧衛東昌府屬
之館陶邱縣清平東昌衛青州府屬之益都高苑
博興壽光諸城臨朐萊州府屬之昌邑濰縣高密
直隸泰安州屬之長清直隸武定州濱州并州屬
之蒲臺霑化直隸曹州并州屬之曹縣直隸沂州

屬之費縣郟城直隸東平州之平陰壽張直隸濮
州并州屬之觀城直隸高唐州并州屬之禹城直
隸莒州并州屬之日照沂水等三十八州縣二衛
各申報被水情形到臣計前後共七十州縣三衛
所臣思該州縣衛所各呈報被水雖其中自有輕
重不等而一州一縣之內其村莊亦各有高下之
殊然現在委員查勘所有新舊錢糧似應暫緩催
徵統俟查確之日分別應免應徵奏

聞請

旨至被水較重之州縣衛所確查實在窮民遵

旨賑濟其被水稍次之州縣查明酌借倉穀其被水較輕之州縣將存倉穀石暫行出糶以平市價如此則民力可舒民食有資數十州縣黎庶咸沐浩蕩之

天恩於無既矣臣敬推

皇仁不揣冒昧一面札商撫臣岳濬斟酌料理具

奏務體

聖心使被災窮黎均沾實惠不致一夫失所以仰副我
皇上保民若赤之至意臣謹繕摺奏

聞伏乞

聖鑒謹

奏

已有諭旨矣

雍正八年八月初四日河東總督臣田文鏡謹

奏為敬陳黃運兩河工程仰祈

睿鑒事竊臣猥以菲材荷蒙

聖恩掌管北河河道總督印務奉

命以來惟有凜遵

聖訓敬謹從事茲查豫省南北兩岸險要工程臣已嚴

飭道廳等官相機料理加意防守現在堤埽各工

俱保護平穩惟舊日大堤尚有卑薄之處前雍正

三年奉

旨增卑培薄彼時因尚非險要暫緩加幫今連年伏秋
汛漲堤外漸次淤高堤身漸覺卑矮必須急為增
修與前此增卑培薄之工一律高寬則汛至無虞
臣現飭管河河北兩道擇其應修者親勘確估俟
估報到日臣一面具

題一面動帑興修務於來歲桃汛前完工以資捍禦
再東省運河前因水勢漲漫緯道多有殘缺糧艘
正在回空刻不容緩臣即飛飭兗寧道王鴻勳動

支庫貯節省夫價速為分發修墊使回空無阻經
臣恭摺奏

聞臣思運河為糧艘經行要道不可不悉心經理今雖
已修殘補缺不誤回空然其間有先經

題估而詳報尚被水佔難以興工者亦有續請興修
雖據估報尚應確勘者均宜相度形勢斟酌機宜
分別應緩應修次第舉行為一勞永逸之計臣已
遴委在豫熟諳河務之員前往東省通行查勘俟

該員因日臣擇其緊要之工再飭克寧道王鴻勳
覆勘確估具

題請

旨總之臣受

恩深重固不敢不嚴加稽察杜屬員之捏冒侵肥亦不
敢因循苟簡致工程之臨事周章但臣智識淺陋
恐措施未當謹先繕摺具

奏伏乞

皇上聖鑒訓示遵行為此謹

奏

區畫已屬合宜無庸再訓

同日又

奏為遵

旨覆奏事雍正八年六月二十三日接准部咨內開欽

奉

上諭歸德營叅將員缺著祿鼎坤補授賞銀一萬兩令

其帶往河南為伊置產搬家及往來盤費之用欽此
又於本年七月十一日接署兵部尚書臣三泰左
侍郎臣永壽等字內開奉

旨爾等寄字與田文鏡將錄鼎坤交與田文鏡留心教
導伊若在河南置產著田文鏡委員代伊料理欽此
仰見我

皇上以天地覆載之心弘造就生成之德懷柔並至教
養兼施臣欽遵

諭旨將一切營伍事宜悉向祿鼎坤面加教導又敬宣
皇上養優待之

天恩及代為料理置產委曲周詳之

聖意祿鼎坤感激

皇恩喜出望外其置產之處臣現委歸德府知府萬國
宣就近料理務期妥協至祿鼎坤業於七月二十
五日到歸德營叅將任臣復諭調任叅將孫弘將
營伍情形及該將在彼整理之處一一告知臣仍

當留心隨時教導所有祿鼎坤到豫及委員料理
置產緣由理合繕摺覆

奏伏乞

睿鑒謹

奏

據奏祿鼎坤已抵叅將任知道了料理甚好

同日又

奏為覆奏

聖訓事雍正八年七月二十五日臣齋摺家人捧回臣
奏程家寨工程穩固摺內奉有

硃批臣伏查黃運兩河關係運道民生時厘

睿念臣蒙

聖恩委任悉心料理隨時調度已將委員查勘并請動
用節省夫役銀兩修築東省運河緯道緣由恭摺
具

奏現今白露已過汎水自此漸應消落各處工程俱

報平穩臣惟有欽遵

聖訓倍知詳慎督飭在工大小員弁謹小慎微極力修
防務期堤工鞏固以仰副我

皇上殷殷教誨之

聖意所有奉到原摺理合恭繳謹

奏

覽奏汎水漸消工程平穩朕心深慰

雍正八年九月初一日河東總督臣田文鏡謹

奏為兩省河務重大敬遴協理之員仰請

聖裁事竊惟黃運兩河攸關運道民生我

皇上時厘

睿念指示修防績底平成臣蒙

聖恩掌管北河河道總督印務敢不殫精竭慮敬謹從

事以仰副我

皇上任使之

聖意惟是修防之法全在未雨綢繆而相機經理尤須

親閱情形臣職守封圻未能遍歷各工往來查看
誠恐先後緩急調度失宜必得一熟悉河務有才
有識可以深信之員與臣相助為理不必臣親自
到工一如臣之身歷其地平險宛在心目方可斟
酌機宜次第料理庶於河工有裨臣查河北道朱
藻才幹明敏洞曉河務身任勞怨毫無瞻顧事前
識平險之機臨事得調度之法凡修理工程動用
錢糧無不嚴查確核帑無浮冒工早完固即如雍

正八年三月內荊隆口估挑引河一案該道寢食
工所督率員弁兵夫晝夜儼挑於三月二十二日
興工五月十五日告竣是日汎水即至立時開放
頃刻成河又如六月內祥符縣南岸程家寨月堤
汎水驟長全河大溜盡注該工新舊埽箇漂走堤
岸坍卸危險異常臣面授機宜委令該道赴工協
辦該道即一身兼任分派執事同署開封府知府
劉永錫等嚴督員弁兵夫儼築裏戩又以北岸暗

灘突出逼溜南射委員帶領兵夫切去灘嘴幸溜走中泓戢堤築起埽外淤成嫩灘工程穩固又該工東首舊堤於六月二十三日四更時巡堤官兵稟報大漏一處孔穴如桌面寬大河水噴激堤外勢甚汹涌危在呼吸在工員弁兵役莫不驚惶無措該道正在督築裏戢聞之飛奔至前站立漏孔處所挺然不動急呼家人兵役飛持隨帶綿衣綿被并令各夫擡土填塞其時在工夫役見該道履

險如平咸奮勇爭先一擁而至隨將漏孔填塞得
免潰決凡此化險為平功成神速固皆仰賴我

皇上至誠至敬感格

天

祖

河神默祐所致而朱藻於此數事亦見其有膽有識
不辭勞瘁若以之助臣辦理實於兩省河工大有
裨益臣受

恩至深感

恩至切日夜思維無可仰報惟此以人事
君之誠拳拳於中是以不揣冒昧恭摺具

奏可否將朱藻

特賜加銜協理河務

鴻恩出自

聖裁再前此辦理程家寨險工各員弁著有勞績者容

臣另摺奏

聞外所有河務重大敬遴協理之員理合據實繕摺奏
請仰祈

睿鑒謹

奏

據奏以朱藻加銜協理北河所見是候另旨諭部

雍正八年九月初四日河東總督臣田文鏡謹

奏為奏明東省賑濟事宜仰祈

睿鑒事竊照東省被水州縣屢奉

恩旨賑恤令臣等斟酌料理仰見我

皇上軫念黎元不使一夫失所之至意臣前因被水州縣有報稱房屋倒塌者誠恐其中有極貧之人雖給以倉穀餬口而無力葺屋棲身無所以仰請皇上格外天恩每戶給銀一兩五錢以為葺屋之費荷蒙

聖恩俞允在案今於九月初一日接到部咨內開撫臣岳濬奏稱確勘成災者約有六十餘處每處災民

多者二萬餘戶少者亦有萬餘戶房屋倒塌十居六七若概以每戶一兩五錢散給統計所需不下百萬兩之多應分為上中下三等極貧者每戶給銀一兩五錢次則減為一兩再次則減為五錢核實酌散無不均不徧之弊等語臣查報水各州縣其成災不成災之處雖尚未據布政司取結詳報然陸續接閱各道府州縣來稟并面詢因公往來員弁及差徃查看之員大概不致有成災六十餘

處之多而成災之中又有輕重不等每處災民亦多寡不一臣現據鹽法道楊弘俊稟稱查過德平災民七百餘戶商河五百餘戶即此可見各州縣被災實在窮民不皆一二萬戶之多撫臣所奏每處災民一二萬之語乃未經查實僅據州縣之率報而約畧言之也至各處倒塌房屋亦非一概十居六七而倒屋之家更非盡皆無力貧民前據督糧道徐聚倫稟稱如所塌係租住之房則與住者

無涉房主既能賃房其家不貧可知何庸議賞或
房共七八間而倒三四間房共五六間而倒兩三
間房共三四間而倒一間儘可棲身何庸議賞又
如倒塌房屋本戶現經修蓋不致棲身無所以及
紳衿富戶與有生理者是皆有力之家何庸議賞
臣見其查察精細分晰明白隨將所稟辦理之處
飛札各道府州一體實心辦理在案臣思賑濟原
以恤貧非以繼富況此項葺屋之費尤為我

皇上恩外之恩但當使貧者一夫不遺原不必令富者盡人徧及其應給葺屋之費惟最重之郟城沂州等數處或有數千戶其餘不過千餘戶及數百戶而止以一兩五錢計算約畧不過賞銀八九萬兩今撫臣欲行徧給而將凡係倒屋之家分為三等概議賑銀則需銀四五十萬不止實不免失之太濫我

皇上保民若赤一聞東省被水即

沛恩綸發帑發粟并將例不蠲免之漕糧

特予免徵固不惜此數十萬帑金但以賑濟之

洪恩而濫及於有力之富戶臣竊以為措施未當也至

撫臣賑穀議內以高地有收窪地有穗可割請將

倉穀先行平糶其應賑倉穀攤作四箇月散給陸

續接濟等語更屬未協夫平糶止可及於有錢糶

買之戶而不能及於束手無措之人今若以前項

有可割收原不待賑之家而因此槩行緩賑致使

嗷嗷待哺之窮民不得早沾

聖澤似非所以仰體

皇仁而下恤民瘼也且貧民一家數口老弱強壯不等
若將口糧一時給領則貧民即可從長計議老弱
者安居粒食少壯者別為營運今攤作四月散給
往返領賑貧民既多守候之艱陸續給散胥役更
滋指索之弊且散穀散票多一次即多一次之事
地方散賑之員亦不免過煩臣伏見

皇上遣官賑濟畿輔地方特頒

上諭將三箇月口糧通計給發此誠

聖明洞鑒

睿慮周詳今東省賑穀臣愚以為應照直隸通計給發
之為妥便總因撫臣誤認凡被水者俱應銀穀竝
賑故有銀分三等穀攤四月之議以致賑銀失之
太濫賑穀失之太緩查撫臣前已令查賑道員上
貧給銀一兩次貧給銀六錢下貧給銀四錢今又

不分有力無力一槩給與葺屋之費上貧一兩五錢次貧一兩又次貧五錢其如何為上貧如何為中貧下貧究未分晰明白查賑之員更無所適從且現今查造賑銀之戶止係極貧一項今既分為上中下三等則賑銀之戶又須另行查添矣緣撫臣奏摺內有與臣商酌施行之語臣不敢不將前後商酌不同之處據實

奏明惟是救災務速東省被水窮黎

恩綸屢沛而賑事迄今尚無就緒臣徒有勞心焦思而遠在豫省鞭長莫及賑務重大可否仰懇

皇上天恩遣一賢能大員星馳赴東督同原查之道府等官速為斟酌散賑俾被水窮黎均得早沐


皇恩頂感無既矣臣不揣冒昧一併陳

奏是否有當伏候

聖裁謹

奏

從來賑災如拯溺救焚曷容稍緩所奏是已有旨諭部
矣



御批諭旨卷一百二十六之二十一

欽定四庫全書

史部

硃批諭旨卷一百二十六之二十二

臣 永瑤 恭 校

編 修 臣 裴 謙 覆 勘

總校官中書 臣 朱 鈐

校對官助教 臣 卜 惟 吉

謄錄監生 臣 謝 連 鶚

欽定四庫全書

硃批諭旨卷一百二十六之二十二

硃批田文鏡奏摺

雍正八年九月二十八日河東總督臣田文鏡謹

奏為東省大計屆期仰請

聖恩特賜展限事竊照三年舉行

大計為察核羣吏激濁揚清之

大典臣蒙

天恩總督山東值令

大計之年自當天公矢慎與撫臣詳加考察分別舉
劾以仰副我

皇上澄叙官方之

聖意但查東省因夏秋雨水稍多特奉

恩旨賑濟撫恤道府州縣以及佐貳雜職等員現在分
投查勘辦理賑務賑完即須核造冊籍動關倉穀
錢糧甚為緊要其成災州縣又須將應免錢糧分

數確核査造事務紛繁而計吏

大典則該管上司凡有考核之責者又須專心辦理
未便草率今二事竝行誠恐顧此失彼所係匪細

臣查東省各官貪劣不職者臣與撫臣已不時察

叅不敢稍為姑容其才識敏幹辦事實心如登州

府楊弘俊兗州府王鴻勳經

臣遵

旨揀選先後

題補道員在案其餘各府或尚未到任或到任未久

或循分供職或現在察試至於州縣多係署事試用及甫經到任賢否尚難遽定其有履任稍久辦事勤慎才具可用者甫於沿河沿海及直隸州各缺循例揀選

題補現今尚有新改直隸之東平高唐及舊設之沂州濱州四缺因未得其人未敢輕率題補是現在所屬尚無急應舉劾之員合無仰懇

皇上天恩將東省大計准於雍正辛亥年舉行俾司道

府等官得以專心辦理賑務則闔省官民均沐

聖恩於無既矣至屬員內如有庸劣不職者臣仍與撫

臣不時查叅緣非例應展限臣未敢冒昧具

題是以繕摺恭

奏仰請

聖裁為此謹

奏

東省大計已據請諭部展限矣

同日又

奏為據實奏

聞事竊

臣

於雍正八年八月十六日接准部咨欽奉

上諭河南被水州縣之漕糧按成災分數蠲免欽此仰

見我

皇上軫念黎元恩施格外

臣

隨飛飭河南布政司糧儲

道欽遵確查辦理去後今據司道詳據各府州縣

所屬士民僉稱豫省屢沐

皇仁至高極厚如雍正七年禾稼倍收乃蒙

聖主加恩蠲免正供錢糧四十萬兩今以雨水稍多上

塵

聖念惟恐小民輸漕竭蹶

特頒恩旨按成災分數蠲免

皇恩浩蕩感激難名但今歲夏秋之交雖雨水稍多高

下地畝收成不等然實未成災不敢濫邀

恩免且未奉

恩旨之前附近縣城水次居民業將漕糧交倉遠處居民現在陸續完交不日即可全數通完更不敢因奉有

恩旨復行領回等情詳報到臣查豫省連歲豐收今春二麥又稔民間家給人足雖夏秋水稍多而高阜地面仍有十分九分八分不等即低窪處所亦有七分收成實未成災且豫省士民感沐

皇上教養深恩咸知急公慕義是以今歲漕糧甫經開

徵即爭先輸納及聞

恩旨蠲免不惟不敢濫邀

皇恩而且倍加感激踴躍現據各州縣紛紛運至水次

剋期交兌糧儲道張建德已於九月二十日赴衛

輝府水次監兌去訖臣因輿情感戴實出至誠除

恭疏具

題外理合據實奏

聞為此謹

奏

豫省民情如是急公欣悅覽焉

同日又

奏為覆奏

聖諭事雍正八年九月十九日

臣

齋摺家人捧回

臣

奏

請朱藻協理河務摺內欽奉

硃批據奏以朱藻加銜協理北河所見是候另旨諭部
欽此隨於九月二十四日接准部咨除欽遵轉行

外竊臣前因黃運兩河攸關運道民生最為重大
必得一熟悉河務之員相為協理是以將朱藻奏
請蒙

聖恩俞允

特加僉都御史銜協理河務朱藻聞

命之下感激

天恩失聲哽咽自必益加奮勉力圖報效至臣受

恩深重無可仰報惟有殫精竭慮敬謹從事現今協理

河臣朱藻親往各工查勘將應修應築之處上緊料理務期工程鞏固仰慰

聖懷所有奉到原摺理合恭繳為此謹

奏

朱藻親往各工查勘料理庶不致貽誤機宜惟應再三勗勉令伊竭力供職

同日又

奏為奏明戴村壩工程仰祈

聖鑒事竊照東省漕河為糧艘經行要道全賴汶水濟運而汶水又以東平州之戴村壩為關鍵利在用其水而去其沙洩其有餘而蓄其不足是以明臣

宋禮先建玲瓏壩後萬恭建亂石壩潘季馴又建滾水壩三壩接連俱僅出水三尺蓋汶水挾沙而行上清下濁伏秋漲發水由壩面滾入鹽河歸海無慮泛濫其沙即從玲瓏亂石壩之洞隙隨水滾注鹽河冬春水弱則築堰滙流濟運不致淺阻是

但收汶水之利不受汶水之害其制度原屬周密
迨前河臣齊蘓勒因彼時乾旱之後汶水甚微不
能濟運隨將玲瓏壩洞隙堵實至雍正四年內閣
學士臣何國宗又議增築石壩一道計高七尺長
一百二十餘丈緊貼玲瓏亂石滾水三壩高厚堅
實滴水不洩其時雖為東水濟運起見但汶河會
泰安萊蕪等九州縣之泉水源大流長加以汎水
漲發洪濤洶湧無處宣洩漫濫四出而石工橫互

既無尾閘以洩水又無罅隙以通沙以致水漫沙停不但瀕河地方連年被患而汶河挾沙入運日

漸淤積亦於運道有礙河

臣

嵇曾筠前曾與

臣

深

為籌慮正在計議而今歲夏秋之交雨水過多九州縣之泉河雨水一時竝漲歸海無路奔注入運而運河又不能容納漫溢堤岸南則濟汶魚沛一帶北則東昌臨清等處均被水患而下游宣洩不及上源之水正盛致將戴村壩東北民堤衝開百

餘丈直注東平淹沒田禾此雖雨水異漲人力難施亦由石壩高厚無從宣洩之故但決口之後汶水又盡注鹽河並不達運及運河水勢消退劉老口等處沙積水淺舟行艱澁臣隨一面飛飭動用河庫節省夫價銀兩備料堵築決口一面多募人夫挑沙挖淺并開放馬踏湖水濟運回空糧船始得無誤今於九月初三日將決口已經合龍汶水仍全歸運河現今運河水深四五尺不等據道廳

各官稟報漕白糧船共有五千九百三十四隻今
九月十九日以前共過濟寧五千一百二十九隻
約計十月初即可全行過濟但查汶河自雍正四
年戴村加築石壩以來河沙日淤河身日淺其壩
根現已淤沙三尺若不急為籌酌將來貽誤匪細
臣已面致協理河臣朱藻到東確加查勘細為斟
酌俟其勘明回日臣再會同南河臣嵇曾筠定議
具

奏今將戴村壩漫口堵塞及糧艘過行不致有誤情
由理合恭摺奏

聞為此謹

奏

覽奏戴村壩決口堵塞緣由已悉如果石壩與運河有
礙急應籌酌具疏題奏候朕裁奪可也

雍正八年十月初十日河東總督

臣

田文鏡謹

奏為欽奉

上諭事雍正八年九月二十二日接准部咨欽奉

上諭著直隸山西山東河南四省督撫每省動用正項錢糧各雇腳騾五百頭厚其雇價委員解送肅州以爲運送軍糧之用欽此當即飛行布政司欽遵

諭旨厚其雇價分投雇覓今於九百餘頭腳騾之內選雇五百頭照依自豫至肅客商雇價遵

旨從厚每頭給紋銀十二兩在於司庫內動支正項銀六千兩當官給發騾行胥役並無絲毫扣剋騾夫

等俱各踴躍歡欣爭先願往其抵肅之後運糧軍
前所需雇價應聽肅州辦理軍需衙門酌量給發

臣已咨明內部及川陝督臣甘肅撫臣在案

臣將

所雇騾頭分作三運次第徐行委河南府通判馬
駟為總運官又每運委吏目典史二員押送業於
十月初二初四初六等日三運騾頭俱已起程訖
再總運官通判一員酌給盤費銀八十兩押運吏
目典史六員每員酌給盤費銀五十兩共需銀三

百八十兩在雍正八年公項銀內動支除動用過
正耗銀兩容臣另行報銷外所有豫省遵

旨雇覓腳騾及動用銀兩并起程日期理合恭摺

奏明再東省應雇騾頭臣已轉行山東藩司并將豫

省辦解之處知會撫臣在案合併聲明伏乞

睿鑒謹

奏

豫省所雇騾頭業已起程解肅知道了應題者具疏題

明應達部者咨部存案

同日又

奏為據實奏明仰祈

睿鑒事竊照山東濟南府知府金允彝負

恩不職抑屬婪贓經臣

題叅奉

旨草職審擬在案茲欽奉

上諭原任山東濟南府知府金允彝被叅發審久未定

案聞其被叅之由因與按察使唐綏祖素有嫌隙唐綏祖捏款開送總督田文鏡督臣相隔路遠據開送之款題叅今嚴審多時皆無確據而問官迎合臬司意欲指坐允彝之罪以實前言以致案內牽連之人累斃三命而不能成信讞此雖傳聞之語不能定其確實與否然外間既有此言則此案不便仍令山東官員承審現今侍郎劉於義牧可登因查賑事差往東省著會同巡撫岳濬將此案秉公據實審明定擬

具奏特諭欽此仰見我

皇上至聖至明至公至正不欲使一人少有屈抑一事

少留疑實此案是非虛實應候

欽差審明具奏

臣

復何庸置喙惟是外間既有浮言

臣

又不得不將前後情由實陳於

君父之前

臣

查金允彝蒙

聖恩由縣令超擢知府苟有人心自應感激奮勉力圖

報效豈期抵任之後乖張放縱並不實心任事

臣

彼時尚冀其悛改再三訓飭詎金允彝不但不知改過併且徇私黷貨作威作福日甚一日如得受叅草濫縣知縣袁登陞賄銀四百四十兩改供翻案開脫袁登陞故勘平人致死之罪一款及袒庇德平縣草職知縣袁舜裔抑勒署縣安全義交代一款臣俱發河南按察使陳世倬審訊各犯供吐歷歷如繪臣因此二款已訊有確據此等負

恩不職之員實不敢一刻姑容此臣叅劾金允彝之情

由也及臣

題叅之後臣

親審袁登陞本案復據袁登陞自認賄

求金允彝并各犯供稱金允彝刑嚇改供之處確
鑿不爽又金允彝得受臨邑縣叅草知縣楊揆等
案內人犯周之瀚銀六百兩將周之瀚霸產霸姦
不審一款查楊揆本案亦經臣審明具

題其周之瀚行賄之處已據縣府司於楊揆叅案內
將行賄之周之瀚過付之府刑房徐之純繳銀之

金允彝家人劉二均取有確供今周之瀚雖故尚有徐之純等可訊查臣原叅金允彝八款除勒派所屬州縣修理府監妄斷寡婦陳氏改嫁縱令書役家人乘委驗騾頭索銀分肥縱容司獄索取進監官犯銀兩濫差府役需索等五款未經提審外其婪贓故出抑勒交代三款有於未叅之前審訊明確者有於既叅之後別案附審得實者是臣之題叅金允彝並非止據按察使唐綏祖之送款毫無

確據而遽為

題叅也至案內牽連之人

臣

細查檔案除周之瀚係

楊揆叅案內取供後病故尚在金允彝叅案未審
之前止有妄斷陳氏改嫁款內陳氏夫兄馬昌周
一犯於雍正八年五月二十日病故此外竝無報
故之人而傳言竟云累斃三命更為可異總緣此
案

臣

因查審得實即為入

告不令司道補揭亦未及與撫臣會稿彼時東省即有

異議及奉

嚴旨將金允彝革職審擬金允彝自知負

恩婪賄罪在難追遂與袁登陸等遍布謠言淆惑是非

以冀僥倖萬一而縣府審訊之時金允彝又恃其

親族繁盛兇橫異常不服審訊以致案不能定在

金允彝與按察使唐綏祖有何嫌隙臣實未知但

臣蒙

聖恩節制山東之後唐綏祖亦陞轉東省人人皆以唐

綏祖為_臣耳目各懷猜忌唐綏祖感沐

聖恩又事事實心稽察不避嫌怨是以_臣凡叅劾訪拏
之案多疑為唐綏祖開送而_臣所叅金允彝贓款
內有袁登陞楊掇兩案又係唐綏祖審轉之事此
金允彝所以指為唐綏祖捏款送叅而同案之袁
登陞以及金允彝之親友凡不悅於唐綏祖者無
不串成一氣添捏虛詞廣為傳播咸欲借此傾陷
而悉翻前案此浮議所由起也在

欽差審訊之時衆證明白虛實自分但念臣一介庸愚
荷蒙

聖恩委任封疆惟知矢公矢慎察吏安民而於貪官汙
吏又疾之若讐不知少有瞻顧故自撫豫以及節
制山東七年以來怨尤叢積仰賴

皇上聖明每於羣言沸起之日特蒙

矜全保護之

恩臣是以益加凜惕惟恐察効失實上負

聖恩下滋物議雖於佐雜微員遇有叅劾亦必再三查
察不敢輕率致有屈抑而況金允彝為知府大員
乎若臣所叅果有未確臣即當據實
奏明斷不敢上欺

君父下抑屬員今實係屢審有證有據之事而彼尚敢
布散流言此臣之所以不得不將前後情由備悉
奏

聞者也謹繕摺恭

奏伏乞

睿鑒為此謹

奏

欽差奉命鞠獄諒必不被浮言所惑審後皂白自分卿
駐劄河南距東省稍遠其中容有別情亦未可定經此
一番推勘決定嫌疑未嘗非美事也

雍正八年十月二十八日河東總督

臣

田文鏡謹

奏為據實奏明仰祈

聖鑒事竊照河北道朱藻欽奉

諭旨加銜協理北河事務其河北道員缺

命臣揀選具奏

臣欽遵

諭旨即於所屬內揀選得南陽府知府孔傳煥才具敏
幹實心任事該員前在黃河同知任內不辭勞瘁
悉心修防及任郡守察吏精明辦事勤謹正已率
屬毫無瞻徇實與河北道之缺相宜臣已繕疏具
題并給咨令其引

見恭候

卿既以為相宜自照請補授

皇上欽定抑臣更有請者河南管河道一缺前因托克

托海叅草員缺其時正當伏秋汎漲工程險要不

可一刻乏員臣隨委署開封府知府劉永錫署理

管河道事務臣查劉永錫諳練河務敏幹有才本

年六月內程家寨工程危險該員與協理河臣朱

藻併力同心晝夜辦理著有勞績今署理河道已

四月有餘臣細加體察見其董率修防隨時調度

無不悉合機宜臣因朱藻陞任之後其河北道印務之員署理而題補之孔傳煥又須給咨引

見是以令劉永錫一併署理在案伏思黃河兩岸工程均關緊要時厯

睿念臣受

恩深重無可仰報竊欲在在得人以資料理是以不揣冒昧一併

奏請如蒙

皇上天恩將劉永錫補授管河道則北岸有孔傳煥南
岸有劉永錫得此兩道分巡經理又得協理河臣
朱藻指揮督率實與河工大有裨益可以稍舒
聖懷至可否補授

鴻恩出自

睿裁再劉永錫雍正七年

題署開封府知府時於十一月內引

見合併聲明伏乞

睿鑒謹

奏

以劉永錫補授管河道實屬駕輕就熟援旨奏請可也
開封府缺如得稱職之員亦遞叙摺內併請統候降旨
諭部

雍正八年十二月初二日河東總督臣田文鏡謹
奏為遵

旨揀選具奏仰請

聖裁事竊

臣

前因河南管河道員缺緊要將署開封府

知府劉永錫可否補授管河道之處繕摺恭

奏欽奉

皇上硃批諭旨以劉永錫補授管河道實屬駕輕就熟

援旨奏請可也開封府缺如得稱職之員亦遞叙摺

內併請統候降旨諭部欽此

臣

查劉永錫久任河員

熟諳修防而又辦事勤慎敏幹有才

臣

於雍正七

年十月內

題署開封府知府又於本年六月內委署管河道事務迄今半載臣細加體察實能相度平險辦理妥

協如蒙

皇上天恩准將劉永錫補授管河道洵屬人地相宜於河工甚有裨益至開封府地居省會庶務倍繁前因劉永錫委署管河道往來河工不能辦理府事原委直隸光州知州劉兆幾署理開封府篆嗣因劉兆幾改署河南府事隨令祥符縣知縣劉湘就

近護理開封府印務在案臣查劉湘才足理繁勤

能辦事在豫年久吏治民風無不熟諳今護印月

餘事無鉅細井井有條堪勝首郡之任臣原擬於

大計案內將劉湘卓異因本年十月間縣屬有盜案

一起與例不符是以未敢入於卓薦之內但劉湘

才具實屬幹練辦事亦復勇往於首郡甚覺相宜

可否仰懇

皇上逾格擢用

洪恩出自

聖裁如蒙

俞允臣仍給咨令劉湘赴部引

見其劉永錫於雍正七年十一月引

見甫及一年應否送部引

見之處伏候

諭旨遵行再臣前因南陽府知府孔傳煥題補河北道

赴京引

見南陽為豫楚門戶民俗刁悍素稱難治必得幹員表率彈壓是以將河南府知府程秉禮調署南陽府事又因劉兆幾前曾署過河南府事辦理妥協隨令劉兆幾署理河南府事而將劉兆幾原署之閒封府印務改委劉湘護理此輾轉委署之緣由也惟是南陽府員缺甚屬緊要臣請將程秉禮調補南陽府知府劉兆幾補授河南府知府各員均能勝任如蒙

聖恩俞允除程秉禮係雍正七年十一月引

見奉

旨補授河南府知府今又對品調補毋庸引

見外其劉兆幾係雍正五年六月引

見奉

旨命往河南交臣以直隸知州或知府同知酌量題補

之員已逾三年應照例給咨赴部引

見緣知府為一郡之表率必須人地相宜者方於吏治

民生均有裨益臣仰體

皇上慎簡郡守之

聖心是以一併奏請伏候

皇上睿裁為此謹

奏

請補各員有旨諭部矣

同日又

奏為遵

旨密覆事雍正八年十一月十六日奉到大學士公

臣

馬爾賽大學士

臣

張廷玉蔣廷錫字內開雍正八

年十一月十二日奉

上諭鄂爾泰奏摺一件爾等鈔錄寄與田文鏡閱看彼地口供如此應將祿鼎坤解往雲南審結其摺中情節切不可令伊知之即烏蒙已經克復亦不可令伊知之只云雲南與中州相隔路遠一切難以質對奉旨將伊解往再用好言寬慰其心今從京中特差兵

部司官蘓納海到豫著田文鏡遴選精細妥帖之員
同蘓納海將祿鼎坤解往途次百凡慎密勿漏信息
不許一人與之往來至鄂爾泰摺中所言勿令蘓納
海解員知之又祿鼎坤家人顧成祖等可另起解往
勿令與祿鼎坤同行亦不可令數人同在一處途中
亦須慎密防範欽此并鈔錄督臣鄂爾泰奏摺一扣
到臣臣欽遵

諭旨密行辦理查有臣標左營守備張瑄人尚精細妥

帖堪以委解至十一月二十三日兵部司官蘓納海到豫臣即將祿鼎坤提出面諭因雲南相隔路遠一切難於質對是以奉

旨將爾解往復用好言寬慰使其無所疑慮隨於十一月二十四日令張瑄同蘓納海將祿鼎坤起解仍密飭經過各州縣選撥兵役并委佐貳及武弁各一員逐程護送復飛咨前途督撫一體轉飭遵照撥護其督臣鄂爾泰摺中情節及烏蒙克復之處

一字不令祿鼎坤知之亦不令解員張瑄蘓納海
知之仍密諭解員沿途諸事小心百凡慎密不可
令一人與祿鼎坤往來其祿鼎坤家人顧成祖長
隨楊明陳章等臣又於十一月二十八日及十二
月初三日兩次委員起解照前撥護亦密諭解員
沿途慎密防範毋致疎虞伏思祿鼎坤本係猱蠻
荷蒙

皇上覆載為心生全安插已為格外之

恩況又

授以官職加以重賚不思革面洗心感激圖報乃與子弟頭人等陰謀不軌復令漢姦劉漢英暗通信息狼子野心實赤族不足以蔽其辜但臣前於審訊之時未能將陰謀究出荷蒙

皇上隆恩不加譴責

臣

實愧悚無地所有遵

旨密行辦理及祿鼎坤起解日期理合恭摺

奏覆為此謹

奏

知道了此事祿鼎坤知情與否亦尚在未定也

雍正八年十二月初八日河東總督

臣

田文鏡謹

奏為奏明蘭陽灘地仰祈

睿鑒事竊照豫省為黃河經由之地其濱河地畝遷改
靡常前於康熙六十年及雍正元年因武陟中年
黃水漫決以致陽武封邱中年祥符等縣近堤地
畝被水漲漫或流為支河或變為沙灘或變為鹽

謙於雍正三年荷蒙

聖恩特諭查豁錢糧先經臣會同

欽差戶部侍郎

臣

托時查明陽武封邱中年三縣被災

地畝議將錢糧豁免其鹽鹺淺沙之地限年墾復
先照下則起科其沙深鹺重難耕之地俟變轉之
時陸續報墾分析具

題繼經臣查明祥符縣被災灘地援照陽封中之例
分別豁免限年起科具

題俱奉

旨俞允在案惟查蘭陽縣安仁等里納糧地畝坐落黃
河南北兩岸界連陽封中祥四邑彼時亦在被淹
之內因積水未深停沙未厚尚望復舊是以當日
不敢一例遽請

恩免乃連歲伏秋汎長安仁等里地畝屢被淹浸不能
播種雍正五年以前每歲錢糧里民尚竭蹶完納
自雍正五年以後小民不能賠納地方官因其無

地可耕不便嚴加徵比而奏銷期屆額賦又難懸
缺經布政司與該府縣公同墊完日冀地畝變轉
小民仍可耕種納糧乃今該處地畝積水益深停
沙益厚鹽鹺益重變轉之期難以懸定據里民朱
進玉等公籲援照陽封中祥四縣邀免之例由縣
府司呈請前來臣即飭委署開封府知府劉永錫
親詣蘭陽督同該縣履畝查勘安仁等里實在鹽
鹺河形浮沙等地共五百三十一頃七十八畝零

委難耕種每年額徵丁地漕折等銀共二千五百兩零應請照陽封中祥四縣豁免錢糧之例自雍正八年為始一例豁免此內有水淺沙薄鹹味稍淡地三十四頃八十四畝零請照陽封中祥四縣限年墾復之例於雍正癸丑年先照災則起科三年後仍復原則其水深沙厚鹹味鹹苦地四百九十六頃九十三畝零應俟變轉之時陸續報墾等情到臣伏思我

皇上愛養黎元軫恤民隱

聖恩浩蕩至周至渥今蘭陽灘地沙鹺益甚變轉無期

臣不敢不據實

奏明可否仰懇

天恩照陽封等四縣之例分別豁免限年起科

臣未敢

冒昧

題請謹繕摺恭

奏仰請

聖訓如蒙

恩允臣再繕疏具

題伏乞

睿鑒謹

奏

蘭陽灘地與陽武等四縣事同一例具疏題請可也

諭河東總督田文鏡適閱邁柱奏摺內稱東省被水窮
黎挈眷流亡至武昌漢口者甚多此尚屬朕意內之事

又云麻城等處亦有豫省饑民前來就食此係何故朕殊不解河南所屬地方從前未聞荒歉如是之甚胡乃一旦遂拋棄鄉井紛紛就食隣省耶亟當加詳加慎逐一查明悉心辦理毋忽

雍正九年正月初三日河東總督

臣

田文鏡謹

奏為恭報河東兩省瑞雪日期仰祈

睿鑒事竊查雍正八年十二月二十五日

臣

齎摺家人

回豫伏知京師於十二月十九日獲有瑞雪百姓

無不歡呼載道共慶豐年有象此皆我

皇上誠敬格

天是以京師首善之地天降瑞雪

臣

查東省據各屬陸續

具報於十一月十六十七十八及十二月初二初

三十五十六等日各得雪二三寸四五寸不等豫

省於十二月十四十五十六等日據各屬具報得

雪二三寸三四寸不等茲於二十五日下午起濃

雲四布復降瑞雪連日風息雪緊至二十九日更

餘止積雪共七八寸不等四野均霑於麥苗大有裨益所有河東兩省各得瑞雪日期理合恭摺奏聞為此謹

奏

覽

朕聞豫東之雪尚屬不足

同日又

奏為欽奉

聖訓據實覆奏事雍正八年十二月二十五日

臣齋摺

家人回豫奉到

皇上硃批諭旨一道仰見我

皇上誠求保赤子惠元元之

聖意因楚省有豫東兩省人民就食上廩

聖懷特頒

諭旨諄切訓示

臣跪讀之下不勝感激悚惶除密咨山

東署協撫臣并飛行布政司委員前赴武昌漢口

等處將東省在彼就食窮民招徠回籍加意撫恤
外臣查豫省雍正八年夏秋之交雖雨水稍多旋
即晴霽據各屬開報秋禾收成高地有十分九分
八分窪地亦有七分並無呈報被水成災之處臣
於秋成後復再四察訪亦與各屬所報無異即如
該年漕糧二十餘萬不煩追呼依期完兌雖出土
民急公慕義之誠亦因豫省收成不薄力能辦納
所致惟是豫省地處天中界連直隸山東江南三

省被水人民或挈眷就食或馱載販糴絡繹赴豫
臣於十一月內即發告示飭令各州縣查明鄰省
就食窮民每民給口糧大制錢二十文遞送回籍
並咨明直隸山東督撫轉飭一體接遞安插在案
於十二月十七日接湖廣督臣邁柱札稱豫省與
楚省接壤人民間有就近挈眷來至武漢及麻黃
羅田等邑者現在給米養贍來春咨送回籍等語
臣思豫省惟開歸所屬臨河數州縣低窪處所收

成稍次至於楚省接壤之南汝二府光汝二州俱
足有十分收成現今粟米一石市價銀五錢穀一
石市價銀三錢小麥一石市價銀七錢土著人民
更不應有就食外出之事或係素無恆業之貧民
及投主種地之佃戶伊等於春夏耕種之時則向
有田之家相助力作及秋收之後農工無事或另
尋田主或依親傍友往來鄰境此則北省歷年所
有之事臣接札後即於十八日飛檄司道府州確

查尚未據稟覆於二十五日欽奉

諭旨命

臣

加詳加慎逐一查明悉心辦理

臣

隨與布政

司公同捐給銀兩委員前赴楚省查明戶口籍貫酌給盤費送回本籍安插撫恤不致失所竊思豫省秋收本不歉薄祇緣隣省被水人民紛紛就食販運以致糧價漸昂富民則居奇囤積反因以獲利而無業窮民未免以糧貴為累

臣

是以酌給口糧使鄰省災黎各回本籍復糶借倉穀使本地窮

民不致艱食凡應行料理之處臣無不悉心籌畫

今欽奉

訓旨

臣

惟有倍加詳慎查明辦理務期妥協以仰副我

皇上勤求民瘼之

聖意其在楚人民容俟委員查明接遞回豫安插得所

再行奏

聞謹先繕摺覆

奏伏乞

聖鑒所有奉到

上諭一道合併恭繳為此謹

奏

於數處採聽浮議朕甚疑之大凡地方豐歉皆每有之事何能必期全盛若一任屬員隱匿捏飾而裒如充耳豈特終不免物論亦且涉於無恥之類矣嗣後切須悉心訪察為務

雍正九年正月初六日河東總督臣田文鏡謹

奏為欽奉

上諭仰請

聖訓事雍正九年正月初一日准兵部咨稱雍正八年

十二月二十四日內閣奉

上諭著江寧將軍鄂米達將滿洲駐防兵丁揀選一千
名著副都統阿克山帶領前往西安駐防再著副都
御史二格由京師前往西安統領此派出官兵著該
督撫動支公用銀每人賞銀三十兩其應派官員著

鄂米達酌量派出每員各賞給一年俸銀於司庫動
用銀兩支給二格著賞內庫銀三千兩阿克山著該
省督撫於公用銀兩內各行寬裕幫給再撥河南滿
洲駐防兵五百名著副都統白成額帶領前往西安
駐防撥山西太原滿洲駐防兵三百名著城守尉察
庫帶領前往寧夏駐防此二省派出官員每員各賞
給一年俸銀其兵丁各賞給銀三十兩於司庫支給
官員等照例給與馬匹兵丁等於每人給三馬之外

該督撫酌量富餘多給馬匹其河南城守尉印務著
總督田文鏡帶管另派叅領一員管理兵丁太原城
守尉印務著巡撫石麟兼管白成額察庫起身時著
該督撫各行寬裕幫給欽此臣當即飛行布政司移
會副都統欽遵查照在案謹將遵

旨辦理緣由逐一

奏明仰請

睿鑒

一派
派出官員每員各給賞一年俸銀其兵丁各賞給銀三十兩於司庫支給之處臣查司庫銀兩原有正項公項之不同雖均係

國帑似應分別支給

臣

愚以為各官俸銀應在司庫

正項內支給其兵丁賞給銀兩應仍照賞給江寧駐防兵丁之例一體在公用內動支今查得司庫克公項下有前撫臣石文焯克公節禮銀五萬三千七百七十五兩零可否即將此項動支遵

旨每兵賞給三十兩俟動支之後再行報部

一官員等照例給與馬匹及兵丁等於三馬之外

酌量富餘多給馬匹之處

臣

查官員勘合應付之

例如佐領一員應給馬六匹防禦一員應給馬四

匹驍騎校一員應給馬三匹撥什庫一名應給馬

一匹今令照例給與似應即照此例給與至兵丁

馬匹令於三馬之外酌量多給今

臣

擬每兵一名

再給馬一匹共派兵五百名應給馬五百匹

臣

查

得河南駐防兵丁共八百名除撥出五百名之外
尚留三百名應存拴養官馬九百匹其官員兵丁
等應給馬匹可否即於九百匹之中照數給與其
給與馬匹或到西安之日仍令趕回或即將此馬
給與再行動帑買補抑臣再有請者滿洲官員兵
丁原各有馬匹今於官馬之外再行給與乃我
皇上格外之恩但馱載什物馬匹又不若車輛為便臣
查滿洲官員兵丁出京駐防原有應付車輛之例

今_臣酌量佐領一員給車二輛防禦驍騎校撥什庫等每員各給車一輛每兵丁二名共給車一輛凡車一輛每百里給雇價銀一兩按程給與毋庸再給馬匹不獨沿途可以更換而且裝載什物一車可當十馬之用在官兵等既屬富餘而馬匹又無煩調撥似費省而力便此係_臣愚昧之見是否可行統候

聖裁

_臣

謹逐一繕摺具

奏伏乞

皇上訓示遵行謹

奏

此奏經交廷臣會議今將議覆之摺發來遵照奉行可也

雍正九年二月初一日河東總督臣田文鏡謹

奏為遵

旨覆奏事雍正九年正月二十六日新任河臣沈廷正

自京

陛見回豫臣一面將總河印信委員齎送一面即親詣河臣寓所跪請

聖安隨據沈廷正敬宣

諭旨沈廷正先往查勘工程田文鏡幾時可以交印著

田文鏡奏來欽此臣欽遵

諭旨仍行掌管伏念臣猥以庸材荷蒙

聖恩掌管北河河道總督印務夙夜兢兢時虞隕越一

載以來仰賴

聖訓周詳得以知所遵循敬謹從事茲蒙

皇上欽命沈廷正總督河東兩省河道仰見

聖明遠照知人善任

臣

查沈廷正才識練達實心任事

前在豫省糧道任內

臣

所深知今總督北河在伊

感激

天恩必更加悉心竭力益信我

皇上簡擢之明委任之當也至黃運兩河除已做工程

毋庸置議外其現在應做緊要之工如程家寨開挑引河戴村壩請復舊制以及運河堤岸小挑工程并從前暫緩加幫堤工亟請增培等事俱經臣於封印之前開印之後勘估具

題動帑興工逐一辦理在案所有黃河兩岸應積土

牛椿埽料物等項又經臣於舊冬飭委各員發帑

辦買以備今歲挑伏秋汛之用是總河衙門目下

竝無緊要未完事件且沈廷正巡查各工之後約

至二月中旬其時正值運河小挑告竣似應將印
信交送河臣以便親赴該工查勘開壩以濟新運
緣係奉

旨命

臣具奏

臣

未敢擅便謹將二月中旬可以交印之

處繕摺

奏明伏乞

皇上批示遵行謹

奏

此在卿斟酌適當務期有益而為之

同日又

奏為恭報河東兩省雨雪日期仰祈

睿鑒事竊查雍正九年正月初三日經

臣將河東兩省

得雪分寸恭摺具

奏荷蒙

聖心厯念豫東之雪尚屬不足是各省雨雪無刻不在
宵旰疇咨之內我

皇上之為民依農事計者實至深且切茲查東省據各屬續報上年十二月二十五六七等日得雪三四寸四五寸不等又據報本年正月十七十八二十二等日各得雪二三寸三四寸不等豫省於正月十七二十一等日據各屬具報得時雨二三寸不等又於二十二二十三等日據報得雪五六寸不等俱各四野霑足入土深透於麥苗大有裨益所有河東兩省各得雨雪日期理合恭摺奏

聞為此謹

奏

覽

較之直隸得雪分寸不及遠甚

雍正九年三月二十日河東總督

臣

田文鏡謹

奏為恭報桃汛平穩工程鞏固仰祈

睿鑒事竊查豫省黃河南北兩岸堤工頻年以來仰賴

我

皇上誠敬格

天

河神默佑是以黃流循軌汎水安瀾中泓刷深工程

堅固前因桃汎將屆

臣

隨檄飭管河道劉永錫河

北道孔傳煥督率廳汎員弁帶領兵夫住守河干

加意修防巡查料理茲據河道廳汎等報稱自雍

正九年二月二十九日清明起至三月十八日止

黃河水長二尺六寸至三尺四寸不等今已消落

二尺四寸竝未出槽又沁河自上年霜降後存底
水六尺二寸今又消去一尺七寸南北兩岸一切
堤埽工程俱各保固平穩兩河官民莫不踴躍歡
呼感頌

聖德惟是轉瞬入夏伏汛即至臣仍嚴飭管河各官敬
謹修防外所有桃汛已過工程平穩緣由理合繕
摺恭

奏仰慰

聖懷謹

奏

桃汛已過工程保固平穩深慰朕念

雍正九年四月初八日河東總督

臣

田文鏡謹

奏為請

旨事竊查河南城守尉印務前因副都統

臣

白成額前

往西安駐防奉

旨命

臣

帶管另派正白旗護軍叅領華色管理兵丁

臣

已於雍正九年二月十四日接印任事竝咨明兵部在案今臣蒙

聖恩令臣進京調理所有城守尉印務應否即交華色

署理抑俟新任撫臣張元懷到日交與管理臣未

敢擅便謹繕摺

奏請恭候

皇上訓旨遵行為此謹

奏

河南城守尉印務候另有諭旨

雍正九年四月十七日河東總督臣田文鏡謹

奏為恭報豫省得雨日期仰祈

睿鑒事竊臣查豫省自春入夏雨暘時若民間二麥十分茂盛其穀黍高粱棉花等項俱已長發茲於四月初四初九十二十三等日據各屬具報各得時雨五六寸六七寸不等入土深透在二麥獲此甘霖籽粒更加堅實旬日以便刈獲而秋禾亦

藉以滋長百姓無不感頌

皇仁歡呼載道所有豫省得雨日期及二麥秋禾情形

理合繕摺恭

奏仰慰

曷勝慰悅

聖懷再查東省自三月以來雨澤稀少惟據沂州郯城

一帶并登州府屬之寧海文登福山棲霞蓬萊及

莒州堂邑等處呈報得雨其餘尚未普遍霑足而

濟南一屬望雨尤甚業經飛檄各屬一體齋戒設

壇祈禱

臣

仍在署竭誠叩求嗣於四月初五初六

初七初八等日據歷城禹城章邱齊河等處具報

得有微雨入土滋潤查豫省十二十三等日得雨

之時

臣

仰觀濃雲四布雨澤必廣豫東聯界亦應

得有甘霖業已飛行飭查俟報到日

臣

再恭摺奏

聞合併

奏明為此謹

奏

東省屢報得雨未聞缺少今云自三月以來雨澤稀少
何其不相符合若是耶

同日又

奏為奏明豫省貢院仰請移建伏祈

聖鑒事竊鄉試乃

朝廷之大典貢院實衡文之重地我

皇上興賢育才人文蔚起近科應試士子多至萬有餘

名誠

景運特隆中州極盛時也查豫省貢院向建於省城北隅地勢窪下惟南臨街道其東西北三面俱係極大池塘皆高於貢院基址夏秋雨後周圍街道房舍之水滙歸塘內由塘滲入院中遂致號房等處在在有水從前冬春之時雨水稀少尚易乾涸雍正七年己酉科臣監臨入闈彼時已有積水先期即令祥符縣設法修墊其號房內士子俱用厚磚墊腳及臣入武闈時積水更大是年歷冬至春

竝未消退迨至雍正八年夏秋之交雨水稍多上
淋下浸貢院以內俱水深至四五尺墻垣號房塌
卸大半先據祥符縣呈報臣批布政司確查詳報
并面諭司道府等官親詣查看據稱院內地通泉
眼竟成有源之水乾涸無期臣思貢院地勢本窪
積水又深既消涸之無期復宣洩之無路而壬子
科轉瞬即屆若再遷延觀望必至貽誤臣與司道
府等官再四籌畫惟有將貢院移建高阜地方庶

幾一勞永逸即差人往江右延請堪輿傅煒選擇
省城東北地一區在且艮之方地高局大秀氣凝
結實文運昌隆之地一應堂宇號舍墻垣悉照舊
院規制除舊存物料拆運仍用外其不敷新添木
料磚瓦石灰顏料等項竝工匠及拆卸人夫搬運
舊料腳價共估需銀二萬五千五百五十六兩零
臣覆核無異除恭疏具

題外謹繕摺

奏請倘蒙

聖恩俞允臣即動正項銀兩給發擇定吉日興工遴員
監造俟工完之日造冊報銷伏乞

睿鑒謹

奏

據請移建貢院具題到日有旨

同日又

奏為恭報豫省續解軍需馬匹起程日期仰祈

睿監事竊查派撥兵丁赴西案內所有應採買空馬三千匹臣於本年二月初一日欽奉

皇上發下廷議令展限三箇月採買另行雇夫委員解送西安交與巡撫武格收養等因到臣遵照轉

飭四處購買并於河東兩省民間已經交官之駟馬內解驗揀選照時給價并預備草料加意餵養業經陸續採買足數雇覓人夫分作八次起行於四月十一十二十三十四二十一二十二二十三

二十四等日起程每次委管押官一員又委總解
官一員其草料等項預飭沿途州縣供應竝咨前
途督撫轉飭遵照并令押解各官解到之日交與
西安巡撫衙門聽撫臣武格分發餽養在案所有
委官續解馬匹及起程日期除咨明內部暨陝西
督撫外理合繕摺恭

奏至一切動用銀兩容臣核實報銷合併聲明統祈

睿鑒謹

奏

豫省採買馬匹已起程解陝知道了交發辦理軍需處存案矣

雍正九年五月初四日河東總督

臣

田文鏡謹

奏為遵

旨酌議仰請

睿鑒事雍正九年四月二十七日臣接到山東撫

臣岳

濬札為請設駐沂道員等事敬錄

皇上硃批諭旨命

臣

等商酌意見相同時題請欽此查

原奏請將充寧道所轄之泰安州及各州屬縣并
安東一衛共三州八縣一衛另設一分巡泰莒沂
道管轄駐劄沂州等因臣查沂州為南北衝途地
方緊要向有副將駐劄今若再設道員彈壓誠為
周密惟是泰安州係濟東道所轄該道駐劄省城
泰安州與省城較近距沂稍遠若改歸沂州道管
轄一切事務及文移往來舍近就遠未免不便而

去此泰安及所屬三縣又止莒沂兩州并所屬五縣似於監司體制又未相稱臣查充寧道所管運河千有餘里運道既遠事務亦繁是以從前係濟寧道銜專司河務無分巡地方之責迨至康熙五十三年東兗道裁汰之後始將兗州府屬歸入管轄改為充寧道事務倍繁未免難於兼顧今沂州既復設道員則兗州府現今所屬十四州縣莫若仍歸沂州道管轄連沂莒所屬共二十一州縣至

充寧道現今所屬尚有直隸曹州東平并所屬八縣雖舊隸兗州府亦為東充道所轄但距沂州遙遠若一併改歸沂州道又恐鞭長莫及且查曹東等州縣俱係沿河地方附近濟寧而充寧道已去兗府十四屬止此兩州八縣尚可管理似應就近仍令充寧道管轄如此則繁簡既均責任又專於地方河務均有裨益此臣愚昧之見業已備細札覆撫臣商酌在案至沂州舊道衙門作何修葺之

處亦一併札致撫臣查明定議請

旨遵行所有奉到

上諭及臣商酌緣由理合繕摺

奏明伏乞

睿鑒謹

奏

所議是會疏題請

同日又

奏為欽奉

上諭事竊照湖廣運米十萬石至商州一案臣准部咨

即飛咨湖廣督撫將米石在於何處採辦星即確

查會商并飭委南陽府知府程秉禮一面親往查

勘河道一面備料雇匠打造船隻去後茲於四月

二十九日准戶部咨據湖廣督臣邁柱摺奏議將

存倉穀石碾米十萬石運送毋庸豫省採買緣由

到臣轉行遵照在案嗣據程秉禮詳稱勘得蕭江

口至荊子關計程二百六十里河濶水平雖有淺灘扒船可以行走自荊子關至龍駒寨計程三百六十里溪流淺窄灘石險峻惟有小舢船可以往來蓋舢船首尾俱尖身長而窄較扒船靈動船底係樑木打造性軟而堅即經傷損尚可修理今奉文造船必以小舢為最查扒船可裝米十三石舢船可裝米十四石通計十萬之米豫省需船一千隻即可循環運送今浙川縣有中樣扒船三百隻

可以雇募在荊子關以下行運至舢船一項船底
係棹木板片棹木係湖南寶慶等府出產若委員
赴寶慶設廠造船未免往返稽遲緩不濟事即造
完船隻尚須雇覓熟練溪河慣撐舢船之頭舵水
手押送來豫方能行運通盤計算不如赴湖北雇
覓為便今擬於楚省雇覓小舢船五百隻并於浙
川打造小扒船二百隻連雇募之中樣扒船三百
隻共計一千隻接流遞運等情

臣

思舢船豫省既

難打造而荊子關至龍駒寨扒船又難行走必得
赴楚雇募小舢船臣隨一面委員攜帶銀兩飛赴
楚省雇覓舢船五百隻又恐隔屬呼應不靈復咨
湖廣督臣轉飭地方官協同委員雇覓在案至所
需扒船除將浙邑現有中樣扒船三百隻雇用外
又於浙川設廠三處多雇匠役晝夜趕打小扒船
二百隻應用再康熙五十九年運米係楚省委員
押運至陝交卸沿途換船之時毋庸盤量既不舢

遲時日又不折耗米粒今次運米仍應楚省將米
用口袋裝貯遴委能員押運赴龍駒寨交卸豫省
雇募人夫疏濬河道并預派官員料理盤剝護送
出境再查襄陽至荊子關雖有沙灘石磧而水勢
平行一遇順風尚可揚帆自荊子關以上鸞石下
灘起至龍駒寨共有二百零一灘皆陝省所轄灘
俱險峻兩岸又係峭壁全憑人力牽拽從山陂沿
邊而行需絳甚多應陝省委員每處雇覓絳夫四

十名俟船到幫拽則船隻上灘不至十分艱難往返亦速矣以上事宜臣俱據詳分咨楚陝兩省督撫轉飭料理外所有臣料理運送米石緣由理合繕摺恭

奏伏乞

睿鑒謹

奏

計算周詳辦理妥協殊屬可嘉

同日又

奏為奏

聞事竊查東省前自三月至四月初間微覺雨澤稀少

臣
已恭摺具

奏今據各屬陸續呈報四月初十二十三等日甘

霖大沛入土六七八寸不等四野霑足二麥堅實

秋禾滋長百姓無不歡呼載道感頌

皇仁再查豫省自四月二十五日復又得雨之後連日

晴霽民間正當刈獲之時二麥業已收割登場臣

時加體察通省悉屬豐稔俟各屬將收成分數報

齊

臣

即分析具

奏所有東省得雨日期及豫省二麥收穫緣由理合

一併奏

聞仰慰

聖懷為此謹

奏

覽奏豫省二麥業已收穫固屬可慶東省續報大沛甘霖尤為可喜從前原不憂旱今又得此應時之雨麥秋在即朕不為山左黔黎廛念矣

同日又

奏為奏明事竊臣荷蒙

聖恩憫臣老病

特命進京調理

愛護成全至周極渥刻骨鏤心難以言喻臣現今將應

辦事務上緊趕辦約計五月內署撫

臣

張元懷可

以到豫

臣

交代明白即當進京所有家口自應悉

行遣歸但

臣

家本寒微素無產業惟京師有住房

一所計三十餘間上年又經傾圯現今家人雇覓

匠役修葺

臣

隨帶數人可以居住至合家男婦大

小尚乏安頓之處且

臣

數年以來屢蒙

皇上天恩賞賜書籍器皿綢緞衣服等物

臣

皆敬謹珍

藏今應恭齋到家奉為至寶傳之後世但家口什

物從陸路搬移至京沿途腳價需費頗多今聞保定府城內有原任守道李毓柱入官變價房屋一所價銀一千九百餘兩臣思保定距京城不遠臣之祖父墳墓俱在易州又與保定相近目下搬移家口由河南衛輝府水路上船直達保府南門較之陸路行走甚屬便易臣蒙

皇上恩賜養廉餘剩銀兩意欲即買此屋令家口往彼

據奏

欲置屋

保定

家口俱

無不可但目下且勿

慮臣家務細事原不應上瀆

忽俟卿到京命醫診視若病證調養數月可以痊愈何
聖聰但臣之一身一家俱蒙
必又多此一番移動耶
皇上養則臣一舉一動不敢不於

君父之前據實

奏明再臣伏讀

諭旨令臣徐緩調理來京臣思起程進京之時正當伏
暑若由陸路行走不免車馬跋涉而自運河乘船
赴京衰病殘軀便於調理可否仰懇

天恩准臣同按察使陳世倬由水路赴京統祈

皇上訓示遵行為此謹

奏

水路乘舟徐緩而來甚合朕意

雍正九年五月二十四日河東總督臣田文鏡謹

奏為奏明事竊查豫省州縣應修城垣經臣擇其工

程浩大地方緊要者陝州安陽等一十八處於雍

正七年三月內

奏請動用司庫耗羨修理奉

味忙諭旨

除原估土城工料銀七千八十四兩零外今改築
磚城需用磚灰工匠等項增估銀七千三百三十
一兩零連前共需銀一萬四千四百一十五兩零
所有羅山縣改估磚城增添工料銀兩緣由理合
恭摺具

奏如蒙

皇上俞允臣即交署撫臣張元懷飭司在庫貯耗羨銀
兩內動支給發興修工完造冊報銷為此謹

奏

俟張元懷到豫後再加商酌為之

雍正九年六月初二日原任河東總督臣田文鏡

謹

奏為奏明事竊臣前以衰病陳請罷斥荷蒙

聖恩高厚

諭令進京調理

特命浙江布政使張元懷來豫署理巡撫事務是微臣

既得卸此兩省重任又得赴京仰觀

天顏且就醫於

輦轂之下延此殘喘感實難名喜復不勝臣聞

命之後將應辦各項事宜上緊趕辦如接運楚米赴陝

及軍需濶布硝斤黑鉛等類臣俱飭令一一料理

停妥至司庫存貯雜項錢糧臣一一清核其應

奏歸公者已恭摺具奏茲署撫臣張元懷於五月二

十九日進省六月初一日到任張元懷進省之日

即與_臣相見_臣將緊要事宜先已大槩告知適_臣

又感冒咳嗽不止雖服藥清理尚須避風且署撫
臣張元懷蒞任之初事務匆忙稍緩數日_臣再將
地方事務遵

旨詳悉指授交代明白定期起身赴京容俟起程之日
另行奏

聞至總督關防_臣於六月初一日卸事之日委員齎送
藩庫收貯在案除卸事日期恭疏

題報外理合

奏明伏乞

睿鑒謹

奏

卿其從容靜攝時當盛暑不宜勞擾徐俟秋涼後擇日起程為要遵旨行切勿勉強就道致增朕之繫念也

雍正九年六月二十六日原任河東總督

臣

田文

鏡謹

奏為程家寨引河開放深通據實奏

聞仰慰

聖懷事竊照祥符縣南岸程家寨堤工逼近省城最關緊要因於對面北岸淤長大灘直出河心以致全河之勢逼射該工甚為危險必得於北岸兜灣之處挑挖引河一道引溜直行則該工不致有頂衝之患經臣於掌管總河印務時

題估奉

旨俞允發帑委員預期興挑在案茲於雍正九年六月初八日汎水驟長大溜直注河頭隨於初九日已刻乘機開放風利溜急全河歸注水勢浩瀚頃刻成河連日大溜奔注兩岸塌崖河頭現寬五十餘丈河身寬二十餘丈河尾寬四十餘丈俱深一丈六七尺至二丈餘不等往來重船過行無阻所有舊日大河逐漸淤出新灘伏秋汎後即可淤平此皆仰賴我

皇上至誠至敬崇祀

河神是以引河開闢默相成功從此會城如磐石之
安億載享平成之福在工之官弁兵夫兩河之農
工士庶莫不感頌

聖德歡呼載道臣實不勝雀躍懽慶之至理合繕摺奏
聞謹

奏

據奏開放引河之際風利溜急若有

神助以手加額覽焉

同日又

奏為覆奏

聖諭事雍正九年六月十五日臣齎摺家人捧回臣奏

羅山縣城垣改估磚城摺內欽奉

皇上硃批諭旨俟張元懷到豫後再加商酌為之欽此

臣欽遵

諭旨即向署撫臣張元懷將此案前後緣由詳悉告知

并敬錄

硃批諭旨及奏摺稿交送張元懷統俟張元懷酌定奏聞又於六月二十日臣齎摺家人捧回臣奏張元懷到任摺內欽奉

硃批諭旨卿其從容靜攝時當盛暑不宜勞擾徐俟秋涼後擇日起程為妥遵旨行切勿勉強就道致增朕之繫念也欽此臣跪讀

恩旨往復再三感泣聲咽臣何人斯而蒙

皇上愛護體恤至於此極臣又何敢稍為勉強以致上

塵

聖衷然臣雖於六月初偶爾感冒即服藥調理今已痊

愈地方事務亦向張元懷詳悉告知交代明白臣

依依戀

主急欲趨赴

闕廷仰覲

天顏原擬六月二十六日起程茲蒙

聖諭諄諄臣遵

旨暫緩數日擇於七月初三日自省起程由衛輝水路

赴京總之臣蒙

皇上如斯俯恤臣斷不敢冒昧今自量可以行走方敢

就道仰懇

皇上無以犬馬之軀繫念


聖心益增臣之悚惶跼蹐此又臣之至願也所有微臣

率同陳世倬起程日期理合奏

聞至兩次奉到原摺一併恭繳為此謹

奏

從容就道甚善如此方是



硃批諭旨卷一百二十六之二十二